

დადგენილება #აგ-0938-21
გაფრთხილების სახით ადმინისტრაციული სახდელის
დადების შესახებ

25.03.2021წ.

ქ. თბილისი

1. დადგენილების გამომტანი ორგანო (თანამდებობის პირი):

ს.ს. „ენერგო-პრო ჯორჯია“-ს აღმოსავლეთ საქართველოს ცენტრალური ფილიალის ადმინისტრაციული სამართალდარღვევის საქმის განმხილველი კომისია;

2. საქმის განხილვის თარიღი: 2021 წლის 25 მარტი.

3. ცნობები პირის შესახებ, რომლის მიმართ განიხილება საქმე:

სოსო აბაშვილი 3/ნ 31001052061 მცხეთა, სოფ.ძალისი მე-2 ქ. N31

4. საქმის განხილვისას დადგინდა შემდეგი გარემოებები:

საქმის მასალებიდან ირკვევა - მცხეთის მუნიციპალიტეტ სოფ ძალისში 2021 წლის 14 მარტს შემოწმებისას დადგინდა, რომ მოქალაქე სოსო აბაშვილი, მაგნიტის გამოყენებით ახორციელებდა აბონენტ ვიქტორ აბაშვილის (აბ.4110091582) ელექტროენერჯის მრიცხველის გაჩერებას, შესაბამისად მრიცხველი ვერ აღრიცხავდა მოხმარებულ ელექტროენერჯას სრულად. შემოწმებისას მრიცხველი მოიხმარდა 20.31 ამპერ დენს, ხოლო მისი მთვლელი მექანიზმი არ მუშაობდა. აღნიშნულ ფაქტზე 2021 წლის 15 მარტს შედგა ადმინისტრაციული სამართალდარღვევის ოქმი N ას009021 სადაც სამართალდამრღვევად მიჩნეულ იქნა, სოსო აბაშვილი (3/ნ 31001052061), რომელიც აღიარებს მის მიერ სამართალდარღვევის ჩადენის ფაქტს, ოქმში მიცემული ახსნა-განმარტების თანახმად ის ელ.ენერჯიას იტაცებდა 2020 წლის 5 დეკემბრიდან-2021 წლის 14 მარტის(ფაქტის აღმოჩენის თარიღი) ჩათვლით. სოსო აბაშვილის მიერ განხორციელებული (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2021 წლის 25 მარტს ელექტრონულად გამოგზავნილი ინფორმაციით. სოსო აბაშვილს ეცნობა საქმის განხილვის დროისა და ადგილის თაობაზე, თუმცა სხდომაზე არ გამოცხადდა, გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუმართავს. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; დამრღვევის ახსნა-განმარტება და შეტყობინება. (საქმეში ასევე წარმოდგენილია აღრიცხვის კვანძის შემოწმება-მიღების აქტი #A1586742 სადაც აღნიშნულია რომ ადგილი ჰქონდა, ელ.ენერჯიის დატაცებას) რომელთა მეშვეობითაც დგინდება სოსო აბაშვილის მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი.

ს.ს. „ენერგო-პრო ჯორჯია“

სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ზემოაღნიშნულის საფუძველზე, ვიხელმძღვანელებ რა საქართველოს ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით; მე-10; 38-ე; 228²-ე; 236-ე; 264-ე; 266-ე მუხლის 1-ლი და მე-2 ნაწილებით; 267-ე; 271-ე; 273-ე მუხლებით; სემეკის 12.08.10წ. #14 და 18.09.2008წ. #20 დადგენილებებით; ს/ს „ენერგო-პრო ჯორჯიას“ გენერალური დირექტორის 16.09.2009წ. # RU2010009 წესით, 23.05.2019წ. #OR2019028 ბრძანებით და

და ვ ა დ გ ი ნ ე:

6. სოსო აბაშვილი პ/ნ 31001052061 ცნობილ იქნას ადმინისტრაციულ სამართალდარღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

(სამართალდარღვევის ჩამდენი პირის დახელება)

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას - 15 000 ლარის ოდენობით.

8. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

9. დადგენილება შეიძლება გასაჩივრდეს მხარისათვის მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: ქ.თბილისი, მიცკევიჩის ქ. №19).

უფლებამოსილი პირის ხელმოწერა:



ნიკო გოგიტიძე
კომისიის თავმჯდომარე